

Batas sa mga Karapatan ng Botante

1. Ikaw ay may karapatang bumoto kung ikaw ay isang balidong nakarehistrong botante.

Ang balidong nakarehistrong botante ay nangangahulugang isang mamamayan ng Estados Unidos na residente ng estadong ito, na hindi kukulangin sa 18 taong gulang at wala sa bilangguan o hindi parolado sa pagkakasalang peloni, at nakarehistro upang bumoto sa kanyang kasalukuyang address na tirahan.

2. Ikaw ay may karapatang bumoto ng pansamantalang balota kung ang iyong pangalan ay hindi nakalista sa listahan ng botante.

3. Ikaw ay may karapatang bumoto kung ikaw ay naroroon at nakapila sa lugar na botohan bago magsara ang mga botohan.

4. Ikaw ay may karapatang bumoto ng sekretong balota na malaya sa mga pananakot.

5. Ikaw ay may karapatang tumanggap ng isang bagong balota kung, bago iboto ang iyong balota, sa palagay mo ay nagkamali ka.

Kung sa anumang oras bago mo iboto ang iyong balota, nadama mo na nagkamali ka, may karapatan kang palitan ng bagong balota ang nasira o narumihang balota. Ang mga botante sa pamamagitan-ng-pagboto-sa-koreo ay maaari ring humiling at tumanggap ng bagong balota kung ibinalik nila ang kanilang nasirang balota sa opisyal sa mga eleksiyon bago magsara ang mga botohan sa Araw ng Eleksiyon.

6. Ikaw ay may karapatang tumanggap ng tulong sa pagboto, kung hindi ka makaboto nang walang tulong.

7. Ikaw ay may karapatang ibalik ang kinumpletong balota sa pamamagitan-ng-pagboto-sa-koreo sa anumang presinto sa county.

8. Ikaw ay may karapatan sa mga materyal sa eleksiyon sa ibang wika, kung may sapat na bilang ng mga residente sa inyong presinto na nagbibigay-katwiran sa paggawa ng mga ito.


9. Ikaw ay may karapatang magtanong tungkol sa mga pamamaraan sa eleksiyon at obserbahan ang proseso ng mga eleksiyon.

Ikaw ay may karapatang magtanong sa lupon ng presinto at mga opisyal sa eleksiyon tungkol sa mga pamamaraan sa eleksiyon at tumanggap ng sagot o ituro sa angkop na opisyal para sagutin. Gayunman, kung ang walang-lubay na pagtatanong ay nakakagambala sa pagsasagawa ng kanilang mga tungkulin, ang lupon ng mga opisyal sa eleksiyon ay maaaring putulin ang pagsagot sa mga tanong.

10. Ikaw ay may karapatang iulat ang anumang labag sa batas o madayang gawain sa lokal na opisyal sa mga eleksiyon o sa Opisina ng Sekretaryo ng Estado.

ESPESYAL NA PAUNAWA

- Ang mga botohan ay bukas mula ika-7 ng umaga hanggang ika-8 ng gabi sa araw na nakalagay sa ipinadalang halimbawang balota.
- Ang mga tagubilin kung paano boboto, kabilang ang kung paano iboboto ang isang pansamantalang balota, ay makukuha mula sa isang trabahador sa botohan o sa pamamagitan ng pagbabasa ng impormasyon na ipinakoreo sa iyo ng inyong lokal na opisyal sa mga halalan.
- Kung ikaw ay isang botanteng bagong rehistro, maaaring hingan ka ng angkop na pagkakakilanlan o ibang dokumentasyon alinsunod sa pederal na batas. Pero tandaan na ang bawat tao ay may karapatang bumoto ng isang pansamantalang balota kahit na siya ay hindi nagbigay ng dokumentasyon.
- Labag sa batas na ipahayag ang sarili na karapat-dapat bumoto maliban kung nakakatugon ka sa lahat ng kinakailangan para makaboto sa ilalim ng pederal na batas ng estado.
- Labag sa batas na likutin o pakialaman ang kagamitan sa pagboto.



Kung sa palagay mo ay ipinagkait sa iyo ang alinman sa mga karapatang ito, o kung may nalaman kang pandaraya o maling gawain sa eleksiyon, mangyaring tawagan ang mula sa Sekretaryo ng Estado na walang-bayad at kompidensiyal na

Linya Para sa Proteksiyon ng Botante sa 1-800-339-2957.

